

UNIPAN

PARKET U TRI SLOJA - IDEALAN ZA RENOVIRANJE



Odluke koje treba donijeti prilikom pripreme za renoviranje u prostoru u kojem se stalno boravi, a bez mogućnosti preseljenja na duže ili kraće vrijeme, su ključne za uštedu vremena, novca i živaca kroz ovaj period.

Svi prije ili kasnije dođemo do ovoga momenta kada jednostavno više nismo zadovoljni svojim životnim prostorom i želimo ga popraviti, nekada skroz estetski promijeniti, a često i funkcionalno i estetski prilagoditi svakodnevnim potrebama.

Često smo samom dotrajalošću pojedinih elemenata našeg životnog prostora primorani raditi i neke rekonstrukcije koje nam baš i ne stavljaju osmijeh na lice, iako znamo da će na kraju vjerovatno izgledati mnogo bolje. Onaj proces koji valja prolaziti u međuvremenu odbija nas i razmišljanja o istom, te odgađamo i odgađamo i živimo u svemu osim zadovoljavajućem prostoru, jer se jednostavno ne možemo nakaniti na svu tu prašinu, prljavštinu i mnogobrojne majstore.

Jedno od tih težih renoviranja na koje se ljudi teško odlučuju jeste i zamjena poda. Iako je stari pod dotrajavao toliko da daske hodaju za nama, imaju vlastite glasove na različitim lokacijama toliko da osjećamo da još neko živi sa nama, prašina se stalno izvlači odozdo, estetski je neprivlačno, ovu odluku je jako teško donijeti...

Sama pomisao o potpunom izmještanju namještaja, garderobe, rasklapanju ormara, ludnice tih dana, a onda na to još i plus prašina od brušenja laka svuda okolo od zidova do prozora i ne bas fini miris i laka i ljepila ako je u pitanju brušenje i ponovno lakiranje drvenog poda, stvara nam mučninu u želucu i pri samoj pomisli...

Neki naši prijatelji su samo stavili laminat preko i 'riješili problem', ali nama se ne sviđa laminat – hladan je, umjetan je, zvoni, ne izgleda privlačno i nikako nam se ne dopada u našem stanu ili kući, ali eto, on je jedini koji se postavlja brzo i lako i ne izgleda baš toliko loše, uglavnom bolji od našeg prahistorijskog, ishabanog poda, koji smo već par puta

UNIPAN

preslagivali, fugovali i ponovno lakirali, ali dosegao je svoj limit i izgleda i ponaša se gore nego ikada.

Rješenje koje potpuno spasava kod ovih situacija su **TROSLOJNI PARKETI**, koji postoje već dvadeset i više godina, međutim, na našem podneblju su većini ljudi skoro nepoznat ili polupoznat proizvod.



TROSLOJNI PARKET ima mnogobrojne kvalitete i prednosti.

Troslojni parket, kao što i ime kaže, dolazi u tri unakrsnim slaganjem složena sloja drveta, i to prvi noseći sloj i zadnji/treći u istom paralelnom pravcu, dok srednji sloj mora biti u stojećim godovima vertikalno na prvi i treći da bi se ostvario mehanički moment suprotstavljanja rada drveta u obrnutim pravcima, kako bi se sile izjednačile i drvo ostalo u istom obliku dugi niz godina bez rasušivanja, vitoperenja, korićenja i svih ostalih negativnih karakteristika koje drvo kao prirodan materijal zna pokazivati protokom vremena, pod uticajem i manje vlage, razlike u temperaturi itd.

Za višeslojne parkete uglavnom proizvođač daje garanciju na koliko godina po tehničkim karakteristikama parketa ne smije i ne bi trebalo doći do rasušivanja i pojave fuga u optimalnim životnim uslovima.

Prvi osnovni sloj je drvo listopadne vrste drveta, npr. hrast. To je gazni sloj koji mi i vidimo i koristimo, njemu unakrst ispod dolaze crnogorične vrste drveta koje mu stvaraju otpor, npr. smrča. Gornji sloj je najčešće oko 3,6 mm debljine, međutim, sve se češće prave drvene obloge i od samo 0,6 mm debljine gornjeg sloja. Zajednička osobina za sve troslojne parkete jeste da dolaze već fabrički izlakirani ili uljani, tako da se na licu mjesta ne moraju nikako dodatno dorađivati ili lakirati.

Ovaj parket dolazi u većim tablama/elementima koje se onda najčešće, slično kao i laminat, postavljaju na klik preko svih mogućih podloga pod uslovom da su ravne i suhe. Zbog toga se mogu postavljati preko itisona, keramike, starih parketa, laminata, kao i starog broskog poda.

UNIPAN

Ono što podloga treba zadovoljiti jeste ravnoća i suhoća, iako postoje i tolerantna odstupanja koja se mogu dozvoliti. Kod ovog parketa je moguće potpuno ostati u stanu dok se renovira ako ostavljamo staru podlogu. Pomicanje namještaja i rada sobu po sobu je jedna od najprivlačnijih osobina istog. Kako je već fabrički izlakiran, nikakva dodatna prašina, lak ili ljepilo se ne unosi u prostor.



STVARI NA KOJE TREBA OBRATITI PAŽNJU KOD TROSLOJNIH PARKETA

Da bi se novac uloženi u troslojni parket dugotrajno isplatio, potrebno je razdvojiti, kao i kod svih ostalih proizvoda, kvalitetan od nekvalitetnog proizvoda.

Prvo što govori o kvaliteti proizvoda jeste zemlja porijekla (slično kao i kod autoindustrije), te tradicija i dužina postojanja firme koja proizvodi isti.

Nije isto kada se proizvodnja nalazi unutar EU ili ne. Svi proizvodi proizvedeni u EU moraju zadovoljavati određene standarde, posebno u starim članicama, u odnosu na nove. Kakve standarde zadovoljavaju proizvodi van EU, možemo samo nagađati.

U prospektu svakog proizvoda piše broj lakiranja troslojnog parketa i to: 3, 5, 6 i više puta. Što više lakiranja - to bolja površina je logičan i ispravan zaključak, međutim, nije samo broj lakiranja pokazatelj kvalitete. Lak koji se koristi i njegova otpornost na habanje, kao i ekološki aspekt je ono što bitno razdvaja dobar proizvod od lošeg proizvoda i na šta treba obratiti posebnu pažnju.

Jeftini visokosjajni lakovi ne izgledaju dobro na gotovim parketima, tj. imaju lošiji estetski dojam zbog izrazito vidljivih fuga na spojevima.

Kao što je već rečeno, garancija firme proizvođača i tradicija zemlje porijekla reći će mnogo o samom proizvodu i njegovom kvalitetu. Samim se i vizuelnim pregledom može dosta toga uočiti na određenom parketu.

Firma koja Vam prodaje određeni proizvod trebala bi Vas upoznati i sa tehničkim karakteristikama istog, načinom održavanja i ponuditi Vam kompletnu uslugu sa ugradnjom.

UNIPAN

Jedino na taj način možete biti sigurni u kvalitet i parketa i usluge, gdje sve dobijete iz jedne ruke.

Općenito višeslojni parketi, a među njima i troslojni, preuzeli su primat od klasičnih parketa u posljednjih desetak godina zbog svojih mnogobrojnih kvalitativnih prednosti. Višeslojni parketi su poznati i kao tehnički poboljšani parketi, što svakako govori u prilog istima.

Firma Unipan d.o.o. Sarajevo, koja već 11 godina egzistira na bh. tržištu, nudi jednog, ali najkvalitetnijeg proizvođača gotovih parketa u Evropi i to firmu „WEITZER PARKETT“ iz Austrije koja ima 180 godina dugu tradiciju u obradi drveta. Unipan d.o.o. je i ekskluzivni zastupnik za JI Evropu iste kompanije.

Pored prodaje parketa, Unipan d.o.o. Vam nudi usluge ugradnje, te usluge savjetovanja, pregledavanja podloge i brige prije, u toku i poslije same ugradnje parketa, kroz servisiranje i prepravke kod mehaničkih oštećenja.

Kompletan asortiman WEITZER parketa obuhvaća preko 1000 proizvoda, od različitih vrsta drveta do različitih dimenzija i načina površinske obrade. Osim tako obimne serijske proizvodnje, u ponudi je i I-DESIGN PARKET, gdje kupac sam može kreirati izgled parketa, od dimenzije do konačne površinske obrade (četkanja, oborenih ivica i slično).

Sve navedeno, a i mnogo više možete vidjeti i čuti ako posjetite salon Unipana (Unitic, M.Dvor Sarajevo).